


滿清十三朝宮闈秘史

增太平天國
宮闈秘史



中華民國二十四年五月十二版



編輯者

印刷者

發行者

分發所

代售處

滿清十三朝宮闈秘史四冊

太平朝宮闈秘史一冊

定價大洋五元五角

北平燕北老人
吳縣甯山民

上海新開路福慶路
新國民記印刷所
電話三五一二五號

山東路一四三號
上海益新書社

太平路中市南店
南京益新書局
各省各大書局

原序

太平軍以三五可數人物一日揭竿田間居然下名城破雄州建立帝王都
有土有民稱孤稱寡而釀成十數年有天下之局勢剗造一大篇亘古今之
歷史嘻亦偉哉惜乎以陳勝輟耕始者仍以項王垓下終甚無以對吾數百
千萬塗炭於地下浪擲於虛牝之子女玉帛也其是非筆削則雖自有史官
在無容予之插喙地然要不可謂非造時勢之英雄也斯則吾得而稱焉故
其天兄天妹宮中府中以及三十六行滿朝文武中一百五里一統江山中
之種種奇聞佚事其有秘史之價值也亦不愧焉然當清綱未墜則動多忌
觸不敢言逮比年報次又多嚮壁臆說及傳聞之異詞其能與予五十六年
前被俘禁城中親所耳目之事相符證者什不得五六也予茲已龍鍾老矣

幸及未就木敢將當時所見知所聞知及既出圍城十載後重游紫金天保時與白下諸故舊所攷證得之者共如干則述與孫士晦聽而紀之以示來許時在中華民國紀元四年太歲次乙卯夏伏日吳趨舊史氏甯山民敘述孫士晦士玄隨侍

太平天國宮闈秘史目錄

宮中嬪妃之品級

打情罵俏之詔旨

詔諭中之自欺欺人

宮人穿開檔褲之妙用

紅頂花翎之妖怪

天王御膳之特色

烹珠煮玉之祕法

妃嬪中之女刺客

紅妃也中美人計

太平天國宮闈秘史 目錄

天王之起居注

洪宣嬌之妬忌新法

斷袖翩翩之女館新總管

趙碧城與天王戴紅帽子之奇聞

太平朝之女官制

太平公主之擇婿法

宮中祭天之制度

也是一個三公主出家

徐妃

盛極一時之慶賀

人肉餃饅與甜露

入火不燃之奇寶

女祕書之香豔文章

宮中之佳節壽辰

多寶樓中之女學士

傅善祥之力諫

洪宣嬌之搆釁以洩忿

王輿中之飛花柳倒

朱九妹之烈節

也算得御溝紅葉詩

九千歲之淫威

天王幼年之異蹟

專製房中藥之御醫

東府中之玉石俱焚

地道中之密室

愛好天足之真識

青眼鬼想喫紅鶯兒

楊宮人之報復

府中撲簌迷離之兔子

張炳元之以毒攻毒

東王善用催眠術

洪宣嬌年幼色盛時之淫功

天王御製之楹聯

廖四妹之死而爲厲

竟以割勢爲兒戲

王宮之壯麗

太平天國宮闈秘史

宮中嬪妃之品級與位號

故友沈君良注。早歲爲太平軍所俘。羈留於金陵圍城中者七八載。頗得彼中信用。常召入宮廷。後以計得脫出。晚年與余談太平宮闈事頗悉。余茲撮其未盡忘者數則。聊泚筆記之。沈君之言曰。當庚申辛酉間。洪氏宮中婦女不下數千。大半吳越產。凡處女十三歲外。無完璧者。其制王后一人。轄嬪一。愛嬪二。嬉嬪二。寵嬪二。娛嬪二。位列上等。諸王府中各有好女四。妙女八。姣女十六。姘女二十。妍女二十四。娉女二十八。嬌女三十二。嬌女三十六。嫗女四十。亦卽以一品至九品分等。天王妃二十四人。各轄侍女四。姘女四。娃女四。姣女四。始女四。自一品至五品分等。更有元女十人。妖女十人。則爲六

七品。其幼主宮中。則以王妃一人。轄美人四。麗人八。佳人十二。豔人十六。位列一品至四品。宮中女司。居二品職。爲掌率者六人。各轄女司二十人。其幼主之淫。無復人理。處子過十歲。爲污辱而死者。不知凡幾。天王在時。宮中有元女三人。皆以幼而免。迨天王死。未及殮。已遍污之。污而死者二人。復於其妃女官中。選百餘人。日夕行樂。而天王之兄洪仁達。天王之甥蕭全福。天王義子四王相。又各乞數十人。以去。餘俱屏入女司。由正王娘袁姓主之。爲其擇配。袁本上元人。專司宮中棄女。出入其手者。以數千計云。

打情罵俏之詔旨

當天王未死。責令各軍將各獻婦女。多選者列上考。曾有詔云。繼自今。四郭來朝。萬方一統。東南貢大妹。西北獻嬌娃。太平天一統。天福儘堪誇。又有詔

云。你們姊妹休違拗。肯來歡。你是要好。受打受罵。休悔恨。打是恩情。罵是俏。聞係洪仁玕所撰。天王極賞識之。時蒙得恩侯裕寬雅善逢迎。專司被擄婦女。已嫁者充女司。未嫁者充妖女。完璧者充元女。含羞逼辱。日死數十人。裕寬且進醫治元女之說。故自後卽八九歲以上之女子。亦罕倖免者。

詔諭中之自欺欺人

洪氏託始於傳教。故喜造作邪說。謂天父名耶和華。生四子一女。長子耶穌。次卽已。三四卽東王北王。一女卽謂其妹洪宣嬌也。所以不及南西王者。因以此說時。已都南京。南西二王已早歿。世故也。某年五月間。城中春糧歉收。適逢天降大霧。曾下詔云。現蒙天父降下甜露。繼自今大小文武天兵。大共變喫甜露。不得喫飯。合郡茫然。不知所解。其迷信可笑。類多如是。後至甲子。

春被曾軍圍困。兵心搖動。萬分危急之時。猶尙下一愚人。之手詔云。眞神能造山和海。任那妖魔八面來。天羅地網幾重圍。你到弟妹把心開。岳飛五百破十萬。何況妖魔滅絕該。天父好手段。妖魔萬算不當天。一算天兄好擔當。天兵一到妖魔盡滅亡。你們軍士暫行安息。朕今上天堂。向天父天兄領到天兵百千萬。大顯權能保固天京。你們軍士大共享昇平之福云云。蓋此詔頒下之第二日戌刻。彼卽自裁而死。眞個向天上去。了。荒謬不知所云。殊足令人絕倒。然當時多間。則迄未知其死也。又凡其詔書之出自內官手筆。而經其親口示述者。詔中對於所親信隆寵之人。必有特別之稱呼。亦殊典也。如稱東王楊有和曰和甥。西王蕭全福曰福甥。干王洪仁玕曰玕胞。侍王李世賢曰賢胞。輔王楊輔清曰輔胞。翼王石達開曰達胞。忠王李秀成曰秀胞。

贊王蒙得恩曰。恩胞。章王林紹璋曰。璋胞之類。是皆所謂一二等王也。下此則不能邀茲特典矣。

宮人穿開檔褲之妙用

太平朝冠袍之制。宮中女官與外廷文武朝臣。其品色大致相同。頗有古制。凡服以黃緞繡龍爲上。黃次之。紅紫次之。青藍黑又次之。凡冠上三等王用繡金黃緞巾。九品以上官均用紗帽。九品以及鄉官用緞紫巾。凡袍上三等王用黃緞繡金。三品以上黃緞繡花。六品以上黃緞。九品以上紅紫。以下皆雜色。凡馬褂。上三等王及三品至六品官。均與袍同。九品以上紅緞。以下皆布紅布。此就外廷而言。至內廷宮人以搭背代馬褂。以圓平簪垂纓代紗帽。餘外皆與男官同。惟別有縫裳。卽闊管褲。鈕裳。卽褲檔。不扣縫而用鈕者。開

裳。卽開襠褲。散裳。卽裙。散袍。卽斗篷。遮腿。分左右後三幅。束於腰際。乃乘涼所用。此則皆宮闈中女子之服。男子無裳袴之制。而獨於女子制定之如此。其用心亦可見矣。

紅頂花翎之妖怪

清師將復金陵時。洪氏宮中屢見怪異。宮女每於夜間。見有穿號褂或頂帽者至。一見卽口不能言。任其輕薄。醒後卽形若木雞。不許他人入室。既有無數獼猴。魚貫行禁城東。有長至五六尺者。旋散去。某日夜間。昭陽宮中。曾有紅頂花翎面塗五色之黑衣丈夫多人。汚王后賴氏及妃嬪等以下十數人而去。同時蒙得恩府中。東王府中。及洪仁達府中。均有種種怪異爲祟。且大都皆翎頂冠蟒之一色妝束。真異事也。

天王御膳之特色

太平宮中之事跡。每足令人發噱。卽其御饌一端。亦至可笑。蓋彼洪氏之以爲豪奢者。在吾人視之。皆粗獷不堪之怪狀也。故老相傳謂洪氏之御膳。除副膳十六品外。每食必備二十四牲。二十四牲者。六禽六獸六鱗六介也。禽乃鴿雀雉鷹之屬。而雞鴨不常食。獸乃牛羊獐兔之屬。而豚不預也。鱗乃魴鯉鱖鯉之屬。介則蝦蟹蛤鼈之屬。逐日更換。不使相襲。每席之費。不下數千金。且其烹治之法。無論何品。必具全牲。卽大如牛羊。亦必以全隻橫陳於大盆。而供諸御筵前也。尤可笑者。牲禽烹煮既熟。仍必以羽毛傅蓋其上。使人望之如生禽生獸。至臨食時。方令侍者去之。噫。千古帝皇之奢侈繁華者。亦不少。然終未聞有如此之奇怪可哂者也。

烹珠煮玉之祕法

洪氏搜括民間珠玉既夥。無所用之。遂別開異想。擇其佳者。以充食品。每日晨餐。必食珠二顆。玉一方。據云人多食珠玉。能使精神充足。顏膚朗潤。久而久之。且可長生。蓋亦迷信之念。有以中之也。其烹珠之法。擇珠之精圓者。裹入豆腐中。隔水燉之。煮半日許。去其豆腐。則其珠已較原形膨大至三數倍。而糜爛如豆腐矣。珠若少有縫癢者。其癢處卽僵而不化。故斷非佳者。不可食。時取置口中。略一咽氣。珠已酥化入喉。至煮玉之法。則取玉雜地榆根而煮之。煮至二十四時。勿令氣洩。則玉爛可食矣。食時調以冰糖。味甜可口。略如今西餐館中之凍。但玉亦必擇其潔淨無暇者煮之。乃可。否卽不熟也。當其選擇之時。須老於珠玉眼光者。方能勝任。尋常人不能辨也。其御膳房中。